

# Xiakre

## Xiakre kot Jejus kôt hkwỳjê piitã hwỳr kagà nê mênh

Xiakre na pre kagàja nhípêx. Kêp Jejus tō nê kêp Jerujarê kamã mẽ kot Jejus kôt amnhĩ xunhwỳr xwỳnhjê nhō pastô na pre. Nê kêp Ijaew. Jakamã na pre hkwỳjê mã kagàja nhípêx nê krĩ piitã hkôt urak nê Jejus kôt mẽ kot amnhĩ xunhwỳr xwỳnhjê hwỳr kurê. Jejus ã mẽ kãm mẽ hkurê xwỳnhjaja na prem mẽ hipêx kati nhũm mẽ amnhĩ xà htỳx kamã hamak o pa. Jakamã nhũm Xiakre kot mẽ hamaxpêr o mẽ hihtỳx kaxyw kagàja nhípêx nê mẽ hwỳr kurê nê mẽ kãm:

---

**1** 1Pa ixkwỳjaja. Xà mẽ amex? E ixpê Xiakre na pa. Ixte Tĩrtũm mẽ Pahihti Jejus Kris wa kãm tanhmã amnhĩ nhípêx to xwỳnh na pa. Jakamã kot paj kagàja nhípêx nê pika piitã hkôt mẽ apiitã mẽ awỳr kurê. Mẽ apê Tĩrtũm krajê hwỳr.

**Mẽ pahpunuj tã mẽ pahte amnhĩ kaxyw Tĩrtũm kôt pajamxpêr**  
*Rukre 6.20-23; Rõmãn 5.3-5; Korosê 1.11; Sikũn Pêtre 4.12-19*

2-3E ixkwỳjaja. Kêr ka mẽ atõ tanhmã amnhĩ to rỳ tanhmã apunuj to. Rỳ mẽhõ tanhmã Jejus ã mẽ anhípêx to. Tã kêr ka mẽ ja hã amnhĩ pumu nê tee ri amnhĩ kukamã ajamxpêr o ri akaprĩ hkêt nê. Arĩ akĩnh kãm amnhĩ kaxyw Tĩrtũm kôt ajamxpêr tỳx rãhã ho ri apa. Kot kaj mẽ ã amnhĩ nhípêx anê nê gaa nê rĩ mẽmoj punuj pê Jejus kôt amnhĩ xunhwỳr tỳx nê. Jakamã kwa kêr ka mẽ tanhmã apunuj to hã amnhĩ pumu nê ã mẽ ate amnhĩ nhípêx anhỳrja kukamã ajamxpêr pê akĩnh nê ri apa. 4Nom kêr ka mẽ tee ri tanhmã apunuj to hã amnhĩ pumu nê akaprĩ xaj Tĩrtũm kaga hkêt nê. ãm amnhĩ kaxyw hkôt ajamxpêr tỳx rãhã ho ri apa. Kot kaj mẽ ã amnhĩ nhípêx anê nê gaa nê Tĩrtũm noo mã tãm amnhĩ nhípêx mex o ri apa. Nê kãm hprãm xà hkôt pix mã amnhĩ nhípêx o apa.

**Mê pahte tanhmã amnhĩ kute hã amnhĩ pumunh kôt amnhĩ to  
Tĩrtũm wỳr ã mẽ pamã karõ**

*Matêwre 21.18-22*

5Nê kêr ka mẽ mẽmoj mỳrapê tanhmã apunuj to hãmri nê tee ri ja hã amã Tĩrtũm mã ajamxpêr tỳx prãm nhũm apê ja hihtỳx japêr. Rỳ mẽmoj tanhmã apê amnhĩ nhĩpêx to ka tee ri hkukamã ajamxpêr japêr. Kêr ka mẽ ã ajamxpêr anhỳr japêr hãmri nê amnhĩ to Tĩrtũm wỳr kurê kumrêx. Kot amã ajamxpêr mex nhõr nhũm ate ỹ hã tãm ajamxpêr kaxyw amnhĩ to awỳ. Kot kaj mẽ ã amnhĩ to hwỳr anê nhũm amnhĩ tã mẽ ama nê mẽmojta kutã tanhmã ato axihtỳx to kurê kumrêx ka ỹ hã hkôt ajamxpêr tỳx mex o ri apa. Jao tanhmã akute htã akĩnh nê ajamakêtkati nê ri apa. Koja Tĩrtũm tee ri amã mẽmoj kôt ajamxpêr tỳx prãm kaprỳ hã apumu nê hã amã àkjêr kêt nê. Koja ate amnhĩ to hwỳrta ma nê tanhmã ato mex to. 6Nom kêr ka mẽ amnhĩ to hwỳr kãm tee ri amnhĩ kukamã ajamxpêr kati hkêt nê. Rỳ ajamxpêr o:

— Koonên. Koja apu Tĩrtũm inhmã ja ho anhỳr japêr.

Anhỳr o tee ri amnhĩ kukamã ajamxpêr kati hkêt nê. ãm akĩnh kãm tanhmã ate amnhĩ to hwỳr toja kukamã ajamxpêr o:

— Nà koja inhmã ho anê. Ixte amnhĩ kaxyw kãm ijamxpêr nê amnhĩ to hwỳr xà hkôt koja inhmã tanhmã amnhĩ nhĩpêx to.

Anhỳr o hkamnàr rom ã amnhĩ kukamã ajamxpêr anê.

Nom kot kaj mẽ tanhmã amnhĩ to hwỳr to nê tee ri amnhĩ kukamã ajamxpêr kati nê hkôt ajamxpêr tỳx kêt nê. Nê te kôk nhãm àpêr nê nhãm àpêrta pyrã nê nhãm ri ajamxpêr nê nhãm ri ajamxpêrja o hkôt ajamxpêr kêt nê. Kot kaj mẽ ã amnhĩ nhĩpêx anê nhũm Tĩrtũm tee ri ja hã mẽ apumu nhũm ja kãm mex kêt nê. 7-8 ã mẽ hamxpêr anhỳr xwỳnhjaja na htem nhãm hamxpêr nê nhãm hamxpêr jao hamxpêr mex kêt nê. Jakamã kot kaj mẽ ã ajamxpêr anhỳr o amnhĩ to Tĩrtũm wỳ hãmri nê ãm amnhĩ to hwỳr kaprỳ. Koja ama nê ãm ama. Nom kot kaj mẽ tanhmã akute hã amnhĩ kaxyw hkôt ajamxpêr tỳx pê amnhĩ to awỳ. Nê tee ri amnhĩ kukamã ajamxpêr kati hkêt kãm tanhmã amnhĩ to hwỳr to nhũm amnhĩ tã ama nê hkĩnh nê tanhmã amã mẽmoj nhĩpêx to. Mê ate hã axàhwỳr xà hkôt tanhmã mẽ amã mẽmoj nhĩpêx to.

**Mê kêp amrakati xwỳnh mẽ mẽ kot amnhĩ to rũnh xwỳnhjê jarênh**

*Eprêw 13.5-6; Wam Pêtre 1.24-25*

9Nê kwa mẽ akàxpore hkêt xwỳnhjaja. Jar mẽ apê amrakati htã mẽ apê Tĩrtũm kra na ka mẽ. Jakamã kêr ka mẽ akàxpore rũnh kêt tã mẽ apê Tĩrtũm kra hã amnhĩ pumunh kôt ajamakêtkati nê nê akĩnh nê apa.

10-11 Nê mẽ akàxpore rũnh xwỳnhjaja. Mê akàxpore rũnh nê mẽ akukrêx rũnh tã kot kaj mẽ nhỹrmã ty nê piitã rer pa nê mẽ kêp amrakati

xwÿnhjê pyrã nê anhÿ kamã Tirtũm kuri akrĩ nhũm tanhmã mē ajarēnh to. Te mē apê mēmo pixôrã kot amnhĩ nhĩpêx pyrãk. Na hte kwÿhtã axpēn pē axpôt nê muxre nê mex nê harir. Tã gaa nê rĩ hã myt xàhpanh mē nhũm ra nhôore. Nê gaa nê ra grã pa nê rôrôk nê hapêx. Tã kot kaj mē nhÿrmã urãk nê ty nê akukrêx rer pa. Jakamã kwa kêr ka mē akàxpore rũnh pumunh kôt akĩnh nê ri apa hkêt nê. Kêt ãm mē apê Tirtũm kra hã mãn amnhĩ pumunh kôt akĩnh nê apa.

### Mê pahpunuj kôt pagryk nê mē pahkurê

12Nê kot kaj mē atõ tanhmã apunuj to htã arĩ amnhĩ kaxyw Tirtũm mã ajamxpêr tÿx rãhã ho ri apa. No tanhmã apunuj to hã amnhĩ pumu nê hkaga hkêt nê. Rÿ kot tanhmã ato xwÿnhhta kêr ka mē amnhĩ tã kamã agryk nê tanhmã ho hkêt nê. ãm Jejus kôt pix mã amnhĩ nhĩpêx rãhã ho ri apa. Kêr kê Tirtũm amã hkĩnh ã amnhĩ tã apumu nê amex ã ajarê. Ka nhÿrmã kuri amex kumrêx nê atĩr tũm nê apa ho apa. Ra kot mē pakukamã mē pahtã amnhĩ jarēnh xà hkôt. Jakamã kêr ka mē tanhmã apunuj to htã ã amnhĩ kukamã ajamxpêr anhÿr pē akĩnh nê apa.

13Nê Tirtũm aa kãm tanhmã amnhĩ tomnuj to hprãm kêt. Nê mē papajaja mē pahte tanhmã amnhĩ tomnuj to kaxyw na hte mē pamã tanhmã ãmnēnh to rÿ mē pamã mē pajamxpêr punuj jagjēnh kêt nê. Jakamã kot ka mē atõ amã tanhmã amnhĩ tomnuj to hprãm tã kwa kêr ka Tirtũm tãm kot ja kaxyw mē akrãm mē ajamxpêr punuj jagjēnh to hã hkamnhix kêt nê. 14-15Mê papamjaja na pu htem pajamxpêr punuj xà hkôt tanhmã amnhĩ tomnuj to. No Tirtũm Karõ na hte mē pamã mē pajamxpêr punuj jagjēnh kêt nê. Mê papamjaja na pu htem pajamxpêr punuj nê gaa nê ra hkôt tanhmã amnhĩ tomnuj to. Hãmri nê gaa nê ã amnhĩ nhĩpêx anhÿr rãhã ho ri papa. Mê kot amnhĩ tomnuj o mē pa xwÿnhjaja koja mē nhÿrmã ty hãmri nê Tirtũm mē Kra wa kuri htĩr tũm nê pa ho pa hkêt nê.

### Tirtũm kot tanhmã mē pahto mex to hã harēnh

*Xiakre 3.17-18; Sikũn Pêtre 1.3-4*

16Nê e ixkwÿjaja. Tirtũm kot mē pahte amnhĩ tomnuj prãm xaj mē pamã mē pajamxpêr punuj jagjēnh kêt jakamã kwa kêr ka mē ã ajamxpêr anhÿr kêt nê. 17Na hte mē pahto mex pix o pa. Na pre myyti ho kato. Kapêr pix o ho kato. Nê mytwrÿre ho kato. Nê kanhêti ho kato. Ja piitã ho kato nhũm mē pamã hirã mex o harir. Na hte mytwrÿre tãhã hirã mex o pa. Nê gaa nê nyw kaxyw nê kamãt kô. Nê gaa nê nyw mē nhũm akupÿm hirã. ã na hte amnhĩ nhĩpêx anhÿr o pa. No Tirtũmja ã kot anhÿr kêt. Kot amnhĩ nhĩpêxja ãm rãhã ho rãhã. Na hte mē pahto mex pix o pa. No tãhã tanhmã mē pahto mex to nhũm jãã nhũm tanhmã mē pahtomnuj to hkêt nê. 18Tã kapêr pix o kot ã mēmoj to kator kot

anhÿr. Nê mē pamā kapēr o amnhĩrĩt. Kām mē pahto hkra hprām xaj mē pamā Jejus kot tanhmā mē panê amnhĩ nhĩpêx toja nhũm pre mē pamā ho amnhĩrĩt. Na pu prem kuma nê hkôt amnhĩ xunhwÿ nhũm amnhĩ tã mē pahpumu nê mē pahto hkra. Mē pahpê Ijaew kumrêxjaja na pre mē pahto hkra.

### **Mē pagryk o papa nê mē pahkurê**

*Rômãn 12.17-21; Epes 4.25-5.2*

19E ixkwÿjaja. Kwa mē ixkapēr ma nê hã anohtÿx nê ho apa. Koja mēhõ Tĩrtũm kapēr o mē ajahkre kaxyw mē awÿr mō nê mē amã kapēr jarê ka mē mar tÿx nê. Koja mē ate tanhmā amnhĩ tomnuj to nê mē amã kapēr ka mē amnhĩ tã ama nê kamã agryk kêt nê. 20Mê gryk o mē pa xwÿnhjaja na htem Tĩrtũm kapēr kôt ri amnhĩ nhĩpêx kêt nê. 21Jakamã kwa kêr ka mē axte amnhĩ tomnuj rÿ ajamaxpêr punuj o ri apa hkêt nê. Na htem ohtô nê ã amnhĩ nhĩpêx anhÿr o pa nom kêr ka mē kurom Tĩrtũm kapēr mãn amnhĩ krã him haxàr tÿx nê. Kapēr o mē ajahkre xwÿnhjaja na htem ho mē ajahkre mex o pa. Tã kêr ka mē ama nê amã hkôt amnhĩ nhĩpêx prãm rãhã ho ri apa. Na pu htem Tĩrtũm kapēr ma nê hkôt amnhĩ nhĩpêx o papa hãmri nê nhÿrmã Tĩrtũm mē Kra wa kuri pahtĩr tũm nê pa mex nê papa ho papa.

### **Mē pahte Tĩrtũm kapēr kôt amnhĩ nhĩpêx ã mē pamã karõ**

*Matêwre 7.24-27; Wam Juãw 2.3-6*

22Nê kwa mē okora. Kêr ka mē ãm Tĩrtũm kapēr ma nê ãm mar kêt nê. Mããnen hkôt amnhĩ nhĩpêx rãhã ho ri apa. Kot kaj mē ama nê ãm ama nê hkôt amnhĩ nhĩpêx kêt nê hãmri nê apê Tĩrtũm kra hã amnhĩ jarênh kaprÿ. Jao nhÿrmã Tĩrtũm mē Kra wa kuri atĩr tũm nê apa hkêt nê. 23-24Te ho mēhõ kot amnhĩ pumunh xà hpyr nê kamã amnhĩ pumunh nê amnhĩ krã hkĩ jaê rÿ amnhĩ kuk tyk pumunh pyrãk. Tã te kot ãm ja hã amnhĩ pumunh nê kot amnhĩ to mex kêt rãhã akupÿm amnhĩ pumunh xà xir nê ma htêm nê axte amnhĩ kuk tyk rÿ amnhĩ krã kĩ jaerta mã hamaxpêr kêt pyrãk. Mē kot Tĩrtũm kapēr mar nê ãm mar nê hkôt amnhĩ nhĩpêx kêt xwÿnhjaja te kot ja jarênh pyrãk. 25Tã kêr ka mē ã amnhĩ nhĩpêx anhÿr kêt nê. Mē ate Tĩrtũm kapēr kôt amnhĩ nhĩpêx o apa kaxyw xatã kamã harê nê mar tÿx o apa. Jao hkôt amnhĩ nhĩpêx mex o apa. Tĩrtũm kot mē pahte tanhmã amnhĩ nhĩpêx to ho papa hã mē pamã karõ xaja ãm hãmri na. Na htem hkôt amnhĩ nhĩpêx nhũm Tĩrtũm ja hã mē



*Xiakre 1.22-25*

omu nê mẽ ho mex nê nhũm mẽ àmnhĩx hamakêtkati nê hkôt amnhĩ nhĩpêx o pa. <sup>26</sup>Nom koja mẽhõ kêp Tĩrtũm kra hã amnhĩ jarênh tâ htỳx ri kapêr punuj o ri pa hãmri nê âm kêp hkra hã amnhĩ jarênh kaprỳ. Mẽ pahpê Tĩrtũm krajaja na pu htem ã pakapêr anhỹr kêt nê. <sup>27</sup>Axtem mẽ pahte amnhĩ nhĩpêx. Na pu htem mẽ hã awrã rỳ mẽ kêp mẽ mjên tyk xwỳnhjê ho mex nê mẽ hã pahpêr o pahpikênh o papa hkêt nê. Nê tanhmã mẽ kute hã mẽ omu nê mẽ ho ajuta ho papa. ã na pu htem pahpê Tĩrtũm krajaja amnhĩ nhĩpêx anhỹr o papa nhũm Mêpanhĩpêêxà Maati Tĩrtũm ja hã mẽ pahpumu nê hkĩnh nê. No na pu htem mẽ kot amnhĩ tomnuj o mẽ pa xwỳnhjê hkôt ri amnhĩ nhĩpêx kêt nê âm Tĩrtũm kapêr xà kôt pix mã amnhĩ nhĩpêx nhũm amnhĩ tâ mẽ pahpumu nê hkĩnh nê.

**Mẽ pahte mẽ piitã mẽ hipêx o axpên pyræk ã mẽ pamã karõ**

*Rõmãn 2.11; Korosê 3.25*

**2** <sup>1</sup>E ixkwỳjaja. Pahihti Jejus Krisja mex o mex. Tã ra mẽ ate hkôt amnhĩ xunhwỳr jakamã kwa kêt ka mẽ apê hkwy hã mẽ piitã tãm mẽ hipêx o apa. Nê mẽ hipêx o axpên pyræk. <sup>2</sup>Jakamã kot kaj mẽ nhỹrmã Tĩrtũm kapêr mar kaxyw axpên wỳr akuprõ nhũm hikàxpore rax xwỳnhhta mẽ akôt axà. Ê mex nê ôr o ìhkra kamã kàx hãmri nê mẽ akôt axà. Nhũm hkôt mẽhõ pê amrakati xwỳnhja tẽ nê axà. Nom wamta kĩnhã kêp amrakati nê ê omnajti nê pikaxônhti. Hãmri nê hikàxpore rax xwỳnhhta hkôt mẽ awỳr tẽn axà. <sup>3</sup>Tã tanhmã kot kaj wem ri wa hipêx to? Xà kot kaj mẽ wa hipêx o axpên pyræk nà? Nà xà kot kaj mẽ ã wa hipêx anê nê wam àr xwỳnhhta ê mex ã omunh xà hkôt kãm kadêre hõ gõ nê kãm:

—E ota kadêre. Mãmri hã nhỹ. Anê.

Hãmri nê ê pynajti xwỳnhhta pumu nê axtem nê kãm:

—E atar pikap nhỹ.

Anhỹr o ahpỳnhã wa kãm akapêr? <sup>4</sup>Kot kaj mẽ ahpỳnhã ã wa hipêx anê nê amnhĩ tomnuj nê. Wam àr xwỳnhhta ka kãm akapêr mex nê tanhmã ho mex to. No hkôt hõta omnajti hã omunh xà hkôt te kamã anhõkre kahak pyræk o hipêx. Kot kaj mẽ ã ahpỳnhã wa hipêx anê nhũm Tĩrtũm tee ri ja hã mẽ apumu nhũm ja kêp omnuj nê. <sup>5</sup>Kwa mẽ inhma ixkwỳjaja. Mẽ kêp amrakati xwỳnhjaja mẽ hikàxpore hkêt tâ na hte mẽ hkwyjaja amnhĩ kaxyw Tĩrtũm kôt hamaxpêr nê hkôt amnhĩ xunhwỳ nhũm amnhĩ tâ mẽ omu nê kot mẽ panhĩpêx pyrã nê mẽ ho hkra. Jakamã jar mẽ kêp amrakati htã na htem amnhĩ kaxyw Tĩrtũm kôt hamaxpêr tỳx rãhã ho pa. Jakamã koja mẽ nhỹrmã kuri htĩr tũm nê mex kumrêx nê pa ho pa. Mẽ kãm Tĩrtũm kĩnh o mẽ pa xwỳnh piitã koja mẽ nhỹrmã ã mex nê ri pa anê. <sup>6</sup>Nom kot kaj mẽ ahpỳnhã mẽ hipêx nê amnhĩ tomnuj nê. E pa mẽmoj tâ mẽ akukja. Mẽmojaja na htem tanhmã mẽ ato hêx to? Nê mẽmojaja na htem juisti mã tanhmã mẽ ato kapêr

punuj to? Xà mẽ kêp amrakati xwỳnhjaja? Nà mẽ tãm kêt. Mẽ hikàxpore rũnh xwỳnhjaja na htem ã mẽ anhĩpêx anhỹr o pa. 7Nẽ ra mẽ ate hkôt amnhĩ xunhwỳr xwỳnhja nhũm mẽ axtem nẽ tanhmã mẽ apê ho kapêr to ho pa. Tã ka htem mẽ kêp amrakati xwỳnhjê rom mẽ kãm akapêr mex nẽ mẽ kãm kadêre mex gõ nhũm mẽ hã hkrĩ. 8Tĩrtũm kapêr ã kagà htũm kot ja jarênh kot:

Kêr ka mẽ piitã mẽ hipêx o te ka amã amnhĩ tã ma pyrãk. Anẽ.

Ã kot mẽ pamã karõ kot anhỹr. Kapêrja mex kumrêx. Kot puj mẽ ã axpên nhĩpêx anhỹr jao Tĩrtũm kãm hprãm xà hkôt amnhĩ nhĩpêx mex nẽ. 9Nom kot puj mẽ ã amnhĩ nhĩpêx anhỹr kêt nẽ ahpỳnhã tanhmã mẽ hikàxpore rũnh xwỳnhjê ho mex to nẽ ahpỳnhã tanhmã mẽ kêp amrakati xwỳnhjê nhĩpêx to japêr. Hã kot puj mẽ Tĩrtũm kapêr htũmta nhĩrôp pakuhê nẽ amnhĩ tomnuj nẽ. 10Kot pu mẽ kapêr tũm piitã hkôt ri amnhĩ nhĩpêx mex o ri papa htã ãm pixire nẽ hirôp pakuhê. Jao te pahte kapêr piitã hirôp pakuhê pyrãk. 11Na pre Tĩrtũm mẽ pahte mẽ pahprõ pix tãnopxar o papa hã mẽ pamã karõ. Nẽ mẽ pamjên pix tãnopxar o papa hã mẽ pamã karõ. Nẽ mẽ pahte axpên par nẽ mẽ pahkurê. Jakamã kot puj mẽ pahprõ pix tãnopxar mex o ri papa japêr. Nẽ mẽ pamjên pix tãnopxar mex o ri papa japêr tã tanhmã pajamaxpêr to nẽ pahkwỳjê hõxpĩ. Jao te Tĩrtũm kapêr tũm piitã hirôp pakuhê hpar pyrãk o amnhĩ nhĩpêx.

12-13Koja nhỹrmã Tĩrtũm mẽ pahtrĩ ri tanhmã axpên nhĩpêx to ho papa hã mẽ pahpumunh kôt tanhmã mẽ pajarênh to. Mẽ pamã axpên kĩnh ã axpên to mex o papa hã mẽ pahpumunh kôt mẽ pajarê rỳ mẽ pamã axpên kĩnh kêt ã axpên nhĩpêx o papa hã mẽ pahpumunh kôt mẽ pajarê. Jakamã mẽ kamã mẽ ukaprĩ kêt xwỳnhjaja koja nhỹrmã ja hã mẽ omu nẽ mẽ urãk nẽ mẽ kamã ukaprĩ hkêt nẽ. Nom mẽ kamã mẽ ukaprĩ ho mẽ pa xwỳnhjaja koja ja hã mẽ omu nẽ mẽ urãk nẽ mẽ kamã ukaprĩ nẽ mẽ nẽ mẽ kot amnhĩ tomnuj piitã rênh pa. Jakamã kwa kêr ka mẽ amnhĩ to mex nẽ tãm axpên nhĩpêx o ri axpên kôt apa. Nẽ axpên mã akapêr mex nẽ axpên kamã axukaprĩ pix kukamã ajamaxpêr o apa.

### **Amnhĩ kaxyw Tĩrtũm kôt mẽ hamaxpêr xwỳnhjê jarênh**

#### *Rukre 3.8-14*

14Nẽ kwa ixkwỳjaja. Koja mẽhõ kot amnhĩ kaxyw Jejus kôt hamaxpêr nẽ hkôt amnhĩ xãm ã amnhĩ jarênh tã hkôt ri amnhĩ nhĩpêx kêt nẽ. Hã koja nhỹrmã ty hãmri nẽ tanhmã kot we amnhĩ to nẽ Tĩrtũm mẽ Jejus wa kuri htĩr tũm nẽ pa ho pa? Nà koja anhỹr kêt nẽ. Kêp hkra hã amnhĩ jarênh tã hkôt amnhĩ nhĩpêx kêt jakamã koja nhỹrmã wa hwỳr àpir kêt nẽ.

15Nē xà koja mēhō kēp amrakati nē ri pa. Nē ê pynajre pix jagjê nē ri hã pa. Nē ô hkêt nē ri kãm prãm nē pa. 16Ka mē ja hã omu nē tanhmã kãm akapēr to nē kãm:

—Kwa ã amnhĩ nhĩpêx anhÿr kêt nē. Anhõrkwÿ hwÿr tēn axê mex japēr nē axà nē amnhĩm mẽmoj japēr nē aku. Koja Tĩrtũm ato mex rax nē.

Anhÿr o kãm akapēr tã kãm mẽmoj nhõr kêt nē. Tã xà koja we ama nē amar xà hkôt ê mex jagjê nē apkur mex o ri pa? Nà kot ka mē ã kãm akapēr anē nē ho ajuta hkêt nē nhũm arĩ kãm prãm nē ê hkêt nē omnuj nē ri pa. Na htem mẽ kapēr pix o mẽ ho mex kêt nē. Kot kaj mẽ ã kãm akapēr anē nē ãm kãm mẽmoj tã karõ kaprÿ. 17Ja pyrã nē koja mēhõ ra amnhĩ kaxyw Jejus kôt hamaxpēr nē hkôt amnhĩ xãm ã amnhĩ jarēnh tã kapēr kôt ri amnhĩ nhĩpêx kêt japēr. Hã koja ãm kēp hkra hã amnhĩ jarēnh kaprÿ.

18Nē kot kaj mẽ atõ ã ajamaxpēr anē nē ajamaxpēr o:

—Nà Jejus kwÿjaja na htem ahpÿnhã tanhmã amnhĩ nhĩpêx to ho pa. Na hte mẽ hkwÿjaja amnhĩ kaxyw Jejus kôt hamaxpēr tÿx pix o ri pa. Nē mẽ hkwÿjaja tanhmã hkwÿjê ho mex to ho ri pa. ã na htem ahpÿnhã tanhmã amnhĩ nhĩpêx anhÿr to ho pa. Anē.

Kwa mẽ ri ã ajamaxpēr anhÿr kêt nē. Mē hkwÿjê ho mex o mẽ pa xwÿnhjaja na htem Tĩrtũm hkôt hamaxpēr pē mãänēn hkôt amnhĩ nhĩpêx nē hkwÿjê ho mex o pa. Koja mēhõ amnhĩ kaxyw Jejus kôt hamaxpēr hã koja mãänēn hkôt amnhĩ nhĩpêx pē tanhmã hkwÿjê ho mex to ho pa. Na htem amnhĩ kaxyw hkôt hamaxpēr pix o pa hkêt nē. Na htem mãänēn hkôt mẽ piitã mẽ ho mex o ri pa.

19Na ka hte mẽ akwÿjaja ã ajamaxpēr anē nē ajamaxpēr o:

—Nà Tĩrtũmja pyxi mex o pyxi mex. Tã kot paj jam ijamaxpēr rãhã ho ri ixpa nē ra ixpê hkra hã ri ixpa. Nom kot paj kapēr kôt amnhĩ nhĩpêx o ri ixpa hkêt nē.

Anhÿr o ajamaxpēr nē ã ajamaxpēr anhÿr kaprÿ.

Nē ãm hãmri na ka htem Tĩrtũm pyxi mex o pyxi mex ã harē. Nom na htem jam hamaxpēr kôt pix mã kēp hkra hkêt nē. Mēkarõmnutijaja na htem haxwÿja Tĩrtũm pyxi mex o pyxi mex kôt hamaxpēr tã mẽ kēp hkra hkêt. Na htem ã hamaxpēr anhÿr pē kãm uma ho pa. 20ã mẽ ajamaxpēr anhÿrja mex kêt. Koja mēhõ amnhĩ kaxyw Tĩrtũm kôt hamaxpēr ã amnhĩ jarēnh tã hkôt amnhĩ nhĩpêx o pa hkêt japēr. Hãmri nē ãm amnhĩ kaxyw hkôt hamaxpēr ã amnhĩ jarēnh hkaprÿ. E kot paj ixprĩ hã mẽ amã ja jarē ka mẽ inhma. 21Mē panhĩgêt finat Apraãw na pre amnhĩ kaxyw Tĩrtũm mã hamaxpēr nē hkôt ri amnhĩ nhĩpêx mex o pa. Tã nhũm amnhĩ tã kamã hamak kaxyw hkra Ijak ã kuwÿ nhũm kuma nē ra kot kãm hpĩr nē õr kaxyw nhũm Tĩrtũm amnhĩ tã omu nē amnhĩm mex ã harē. Hãmri nē kot hkra hpĩr nē kãm kapēr. 22Ra kot amnhĩ kaxyw hkôt hamaxpēr nē hkôt amnhĩ xãm jakamã mãänēn hkôt

amnhĩ nhĩpêx nê ra kot kãm hkra nhõr kaxyw Tirtũm amnhĩ tã omu nê amnhĩm mex ã harê. Na pre ã finat Apraãw Tirtũm kapêr kõt amnhĩ nhĩpêx mex anhyr o pa. Jao amnhĩ kaxyw hkõt hamaxpêr mex ã amnhĩ to amnhĩrĩt.

23Nê kormã Apraãw wa hkra hkêt ri nhũm Tirtũm wa kãm hkra jarê nhũm kuma nê hkra hkukamã amnhĩ kaxyw Tirtũm kõt hamaxpêr tỳx o pa nhũm amnhĩ tã omu nê mex ã harê. Nê kêp hkrãmnhwỳ hã harê. Kapêr ã kagà htũm kot ja jarênh kot:

Na pre Apraãw hkra hkukamã amnhĩ kaxyw Tirtũm kõt hamaxpêr tỳx nhũm amnhĩ tã omu nê amnhĩm mex ã harê. Anê.

24Ã na pre finat Apraãwja hkra kaxyw Tirtũm kõt hamaxpêr anhyrja o ra hkõt amnhĩ nhĩpêx nê ra kot kãm hpĩr kaxyw. Nom kop apu amnhĩ kaxyw hkõt hamaxpêr pix nê hkõt amnhĩ nhĩpêx kêt ronhỹx pre Tirtũm tee ri amnhĩ tã omu nê amnhĩm mex ã harênh kêt nê. Na htem amnhĩ kaxyw Tirtũm mã hamaxpêr nê mããnen hkõt ri amnhĩ nhĩpêx mex o pa nhũm amnhĩ tã mẽ omu nê amnhĩm mẽ mex ã mẽ harê. 25Mêhõ ni kuprỳ finat Raapja na pre ã amnhĩ nhĩpêx anê nê amnhĩ kaxyw Tirtũm kõt hamaxpêr pê tanhmã hkõt amnhĩ nhĩpêx to ho pa. Na pre Ijaew myja wa hamêxkrut nê ma Raap nhõ krĩ hwỳr wa tẽ. Mẽ hã ukapi nê kot mẽ hkurê kaxàr kaxyw mẽ hwỳr wa tẽ. Hãmri nhũm Raap Tirtũm kot wa mẽnh ã wa omunh kurê kumrêx nê pòristi kot tanhmã wa ho pymaj amnhĩ nhõrkwỳ kamã mẽ kêp wa ho amũxu nê wa nê mẽ kãm tanhmã hêx to. Nê hpãnhã nhãm pry hõ hkõt akupỹm wa kumê nhũm wa hkà hkĩnh pê ma akupỹm mex nê tẽ. Hãmri nhũm Tirtũm wa hã Raap pumu nê amnhĩm mex ã harê.

26Tã kot kaj mẽ atõ amnhĩ kaxyw Tirtũm kõt ajamaxpêr ã amnhĩ jarênh tã hkõt amnhĩ nhĩpêx kêt japêr. Hãmri nê apê hkra hã amnhĩ jarênh kaprỳ. Te ra mêhõ htyk nê nõr tã nhũm mẽ kot arĩ htĩr ã harênh kaprỳta pyràk.

### Mẽ kot Tirtũm kapêr o mẽ ahkre xwỳnhjê jarênh

**3** 1Nê kwa Kris kõt ixkwỳjaja. Mẽ axohtõ nê mẽ amã Tirtũm kapêr o mẽ ahkre hprãm tã kormã ja kaxyw mẽ apiitã mẽ amex kêt. Mẽ ixte Tirtũm kapêr o mẽ ajahkre xwỳnhjaja kot paj mẽ tanhmã amnhĩ tomnuj to japêr nhũm Tirtũm ja hã mẽ ixpumu nhũm ja kêp omnuj nê. Mẽ ixte kapêr o mẽ ajahkre ho mẽ ixpa kênã kot pa hkêt mẽ ri tanhmã amnhĩ tomnuj to ho ri ixpa. Jakamã kot kaj mẽ Tirtũm kapêr piitã hkõt ri amnhĩ nhĩpêx mex nê rĩ kormã ho akwỳjê jahkre ho ri apa.

2Nê mẽ pahpiitã na pu htem tõhã mẽ pajakwa ho tanhmã amnhĩ tomnuj to. Mẽmoj tã axpên kãm pagryk nê tanhmã mẽ kãm pakapêr



punuj to. Nom koja mēhō tanhmã kapēr punuj toja nê amnhĩ to htỳx nê hãmri nê tãm amnhĩ nhĩpêx o pa.

### Mê pajakwa jarēnh

*Epes 4.29*

3Na htem nhỹhỹm kawar o juk kaxyw hakwam kax jagjê nê kãm nhỹhỹm o htēm prãm xà hkôt ma nhỹhỹm ho juk o tē. Kaxja hkryre nhũm kawar rũnh tã no nhũm kãm ma nhỹhỹm ho mrar prãm xà hkôt ho juk o mra.

4Nê gô xujanār kãm pàr rũnh ta rũnh tã na hte kôk àpêr tỳx nê ma nhỹhỹm o pa. Nê pĩ ho pàr o juk xàta hkryre htã ma nhỹhỹm ho juk o mō. Nhỹhỹm pàr o mrar xwỳnh kãm o mōr prãm xà hkôt o mō.

5Ja pyrà nê mê pajakwa hkryre htã na htem ho kapēr o tanhmã mê hipêx to ho pa. Tōhã ho kapēr mex nê nhũm mê kuma nê hkĩnh nê. Nê tōhã ho kapēr punuj nê nhũm mê tee ri mê kapēr ã mê kuma nê hkaprĩ nê rỳ kapēr xwỳnh ta kamã gryk nê. Mê pajakwa hkryreja te kot kuwy jakrax kryre pyræk. Kot ka kuwy jakrax grire ho tē nê nhỹri pōti kamã amē nhũm kôk ho apê nhũm hpôk rax tokyx anê. Hãmri nê ma pà ho hkaxàr par o mō nê ho hkaxàr pa. 6Mê pajakwa mã kot anhỹr. Kot kaj atỳx ri tanhmã ho akapēr punuj to nhũm mê ama nê axpēn mã anhĩxi ho krĩ nhĩpêx ka amex kêt nê apa. Rỳ ka atỳx ri ajakwa ho tanhmã akwỳjê ho akapēr to nhũm mê tee ri amnhĩ tã ama nê hkaprĩ nê rỳ akamã gryk nê. Satanasti nhỹ hã na htem ã mê hakwa ho kapēr punuj anê.

7Na htem tōhã mēmo mry xoprê pynê nê tanhmã ho nê ra ho kãm ma hkêt. Kagã rỳ hagrôre rỳ àati rỳ gôx kãm mēmo mryja nhũm htem unê nê tanhmã ho nhũm kãm ma hkêt nê mê hkôt pa ho pa. Nom na htem mry piitã ã hipêx anhỹr kêt nê. 8Tã mê pajakwa te mê kot tee ri mēmo mry ho kãm ma hkêt kaprỳ xwỳnh ta pyræk. Na pu htem amnhĩ krã hkôt pajakwa ho pakapēr mex pix kêt nê. Tanhmã kot puj mê pakapēr punuj kêt kaxyw amnhĩ jakwa hto? Mê pakapēr punuj te kot kagã xoprê kot mê hkamnhar nê õ wenēn o mê hparta pyræk. 9-10Na pu htem tōhã pajakwa ho tãm pakapēr nê tōhã pakapēr punuj nê. Nê tōhã Pahi Maati Tĩrtũm mã mex o mex ã harēnh tã ra axtem nê tanhmã mēhō japrỳ hto. Tĩrtũm kot mê pahto amnhĩ pyrà nê mê panhĩpêx tã pu htem axtem nê tanhmã axpēn japrỳ hto ho ri papa. Jao te pahte Tĩrtũm japrỳ pyræk. Kwa ixkwỳjaja. Kêr pu mê pahpê Tĩrtũm krajaja ã pakapēr punuj anhỹr hkêt nê. ãm mê pajakwa ho mēmoj mex pix jarēnh o ri papa.

11-12Xà koja pà kamã hinore pyxi htã kamã gô xành nê määnēn kamã gô xenh nōkati? Nà koja anhỹr kêt nê. Na hte kamã gô mex pix nê rỳ kamã gô xenh nōkati pix nê.

Ně xà koja jàxô hpàr ã rārāj harir? Rỳ ahkrô xô hã mánkwrýtze harir? Nà na hte ahpýnhã hpàr ã harir. Ja pyrà nê kër pu mẽ pahpê Tirtúm krajaja pajakwa ho pakapêr punuj pê ho papikamỳr tỳx nê. Nê te hinore kamã gô mex pixta pyrà nê mẽmoj mex pix jarênh o ri papa. No mẽ pajakwa nhíkjê ho tãm pakapêr nê hikjê ho pakapêr punuj kêt nê. ãm pakapêr mex pix o pakapêr o ri papa. Kwa kër pu mẽ ã amnhĩ nhípêx anhỳr rãhã ho papa.

**Tirtúm kôt mẽ àhpumunh xwỳnhjê jarênh**

*Wam Korĩt 2.6-16*

13Nê kwa mẽ axàhpumunh tỳx xwỳnhjaja kër ka mẽ amnhĩ to mex o ri apa. Nê mẽ piitã tãm mẽ hipêx mex nê mẽ amã axpên japê hã axpên to ajuta mex o ri apa. Tirtúm kapêr xà hkôt. Kot kaj mẽ ã amnhĩ nhípêx anê nê axàhpumunh mex ã amnhĩ to amnhĩrit. 14Nom kot ka mẽ mẽmoj tã axpên kamã agryk o ri apa. Rỳ amnhĩ pix kukamã ajamaxpêr o ri apa hãmri nê ãm ate Tirtúm kapêr kôt amnhĩ nhípêx ã amnhĩ jarênh kaprỳ. 15Ã mẽ kot amnhĩ nhípêx anhỳr xwỳnhjaja na htem Tirtúm kôt amnhĩ nhípêx kêt nê. Mẽ kêp Tirtúm kra hkêt xwỳnh pixjaja na htem ã amnhĩ nhípêx anhỳr o pa. Jao mẽkarômnuti kot amnhĩ nhípêx kôt pix mã amnhĩ nhípêx o pa. 16Axpên kamã mẽ gryk o mẽ pa xwỳnhjaja na htem amnhĩ pix kukamã hamaxpêr jao tanhmã amnhĩ tomnuj to ho pa. Nê amnhĩ tã mẽ kamã mẽ gryk xwỳnhjê homnuj o pa. Tã ã mẽ pahte amnhĩ nhípêx anhỳr pumaj kwa kër pu mẽ mẽmoj tã axpên kamã pagryk o ri papa hkêt nê. 17Mẽ kot Tirtúm kôt amnhĩ nhípêx xwỳnhjaja na htem jajê rom tãm axpên nhípêx rãhã o pa.

Nê axpên kamã ukaprĩ pix o ri axpên kôt pa.

Nê tãm hamaxpêr o pa.

Nê mẽ piitã mẽ hipêx o axpên pyræk.

Nê axpên tã hpijaam o ri pa.

Nê tanhmã ri axpên no kupyr to hkêt nê.

Nê ri oprê ho pa hkêt nê.

Nê mẽ axpên kamã ôkre kahak kêt nê.

Nê mẽ piitã mẽ ho mex o axpên pyræk.

Nê tãm mẽ piitã mẽ hipêx rãhã nê.

ã na htem Tirtúm kôt mẽ kot amnhĩ nhípêx xwỳnhjaja amnhĩ nhípêx anhỳr o pa. 18Kot puj mẽ ã amnhĩ nhípêx anê nê pajamakêtkati nê paxàmnhix pahkính nê ri papa. Nhũm nhỹri mēhō wa axpên kãm gryk pu mẽ wa omu rỳ wa harênh ma hãmri nê mẽ pahtō ma wa hwỳr tē nê wa kãm pakapêr nê tãm akupým wa ãm. Hãmri nhũm wa ra mẽ pahpyrà nê tãm amnhĩ nhípêx pê hamakêtkati nê wa ri pa. Amnhix ri hkính nê wa ri pa.

**Mě kot amnhĩ pix kukamã mẽ hamaxpěr xwỳnhjê jarěnh**

*Matêwre 20.20-28; Juãw 16.24*

**4** 1Ně kwa mon ka hte mẽ akwỳjaja axpěn mã akapěr mã agêt o axpěn kãm agryk pix o apa? Na ka htem ã amnhĩ nhĩpêx anhỹr o amnhĩ pix kukamã ajamaxpěr. Ně mẽ amã amnhĩ jamaxpěr kôt pix mã ri amnhĩ nhĩpêx prãm. No Tĩrtũm kãm hprãm xà hkôt amnhĩ nhĩpêx prãm kêt nê. 2Na ka htem nhỹri mẽmoj pumu nê tee ri ho amã anhõ hprãm kaprỳ. Ně amã ho anhõ hprãm xàj õ xwỳnhhta pĩr nê kệp utàr mã.

Ně na ka htem tanhmã axpěn kukrêx kute hã omu nê amã ho anhõ hprãm nê hã õ xwỳnhhta mẽ wa axpu. No mẽ amã hprãm xwỳnhhta mẽ ate hõ hã Tĩrtũm wỳr ronhỹx ra mẽ ama nê mẽ amã hõ gõ. Tã mẽ ate hã axàhwỳr kêt jakamã nhũm mẽ amã õr kêt nê.

3Rỳ ka mẽ tõiã mẽmoj tã awỳ nhũm kot mẽ amar tã mẽ amã õr kêt nê. Kot mẽ amã õr nhũm mẽ ate ho anhõxỳ ho apa pymaj na hte tõiã mẽ amã mẽ ate hã axàhwỳr xwỳnhhta nhõr kêt nê.

4Kormã mẽ ate hkôt amnhĩ nhĩpêx mex kêt. Te mẽni hõ ra mjên tã nhãm kot mẽhõ my ho amnhĩkati pyræk o na ka htem amnhĩ nhĩpêx o apa. Jao mẽ amã mẽ apê Tĩrtũm kra hprãm tã axtem nê mẽ kãm hprãm kêt xwỳnhjê hkôt amnhĩ nhĩpêx o ri apa nê mẽ uræk nê tanhmã amnhĩ tomnuj to ho ri apa. Ně mẽ ate amnhĩ tomnuj gryk ã mẽ amã Tĩrtũm prãm kêt ã amnhĩ to amnhĩrĩt.

5Tĩrtũm kapěr ã kagà htũm kot tanhmã Karõ jarěnh to nê harěnh kot:

Na pre Tĩrtũm mẽ pahwỳr amnhĩ Karõ rě nhũm mẽ pahwỳr wrỳ  
nê mẽ pakamã agjê nê mẽ pahkôt pa ho pa. Mẽ pahte hkôt  
pix mã amnhĩ nhĩpêx o papaja na kãm hprãm. Anê.

ãm hãmri ã harěnh kot anhỹr jakamã kwa kêt ka mẽ harěnh ma nê kãm ajamaxpěr tỳx rãhã ho ri apa.

6Na hte Tĩrtũm mẽmoj to mẽ pakutã nojarêt rãhã pu mẽ ỹ hã tãm amnhĩ nhĩpêx o ri papa. Kapěr ã kagà kot ja jarěnh kot:

Mẽ kãm Tĩrtũm kôt amnhĩ nhĩpêx prãm kêt xwỳnhjaja na hte  
Tĩrtũm amnhĩ tã mẽ omu nê mẽ kutã amnhĩ xunhwỳ.

No mẽ kãm hkôt ri amnhĩ nhĩpêx prãm xwỳnhjaja na hte amnhĩ  
tã mẽ omu nê mẽ ho mex o pa nhũm htem hihtỳx xà nhỹ  
hã mẽ kãm hprãm kêt xwỳnhjê hkôt ri amnhĩ nhĩpêx kêt  
nê. Anê.

7Jakamã kwa kêt ka mẽ Tĩrtũm kapěr kôt pix mã mãn ri amnhĩ nhĩpêx o ri apa. Kêt kê Satanasti tanhmã mẽ ate amnhĩ tomnuj to hprãm xàj tanhmã mẽ ato ka mẽ Tĩrtũm Karõ nhỹ hã ãm ama nê hkôt amnhĩ nhĩpêx kêt nê. Nhũm tee ri amã àhkrox kaprỳ nê akaga nê ma tẽ.

8Ně kot kaj mẽ Tĩrtũm kapěr kôt pix mã ri amnhĩ nhĩpêx o apa nhũm amnhĩ tã mẽ apumu nê te kot mẽ apa hã mẽ ajamỳnh nê mẽ ato pa pyræk

o mẽ anhipêx. Jao mẽ ato mex o ri mẽ akôt pa ho pa. Nê mẽ atãnopxar rãhã ka mẽ ajamakêtkati nê akĩnh nê ri apa.

Nê kêr ka mẽ tanhmã amnhĩ tomnuj to hãmri nê tee ri ja hã amnhĩ pumu nê hkaga kurê kumrêx nê axte ã amnhĩ nhĩpêx anhÿr kêt nê. Rÿ ka mẽ tanhmã ajamaxpêr punuj to hãmri nê ja hã amnhĩ pumu nê hkaga nê hpãnhã tãm ajamaxpêr pix o ri apa. Mẽ apê Tĩrtũm kra hã kêr ka mẽ ãm hkôt pix mã ri tãm amnhĩ nhĩpêx o ri apa.

**Mẽ pahte amnhĩ tomnuj ã tanhmã amnhĩ nhĩpêx to hã mẽ pamã karõ**  
*Wam Juãw 1.5-10*

9Nê kêr ka mẽ tee ri ate tanhmã amnhĩ tomnuj to hã amnhĩ pumu nê akaprĩ xaj mur nê akĩnh kêt nê. Nê akaprĩ xaj amÿr rax nê. 10Hãmri nê Tĩrtũm mã amnhĩ jarênh o:

—Pa Tĩrtũm. Na pa ã amnhĩ tomnuj anê. Nom kot paj axte hkêt nê. ãm inhmã akapêr kôt pix mã ri amnhĩ nhĩpêx prãm.

Anhÿr o kãm akapêr kê mẽ ama nê mẽ ate amnhĩ tomnujta ã tanhmã mẽ ato hkêt nê. ãm mẽ ato mex nê ka mẽ akupÿm ajamakêtkati nê axãmnhix akĩnh nê ri apa.

**Mẽ pahte axpên to pakapêr nê mẽ pahkurê**  
*Matêwre 7.1-5; Rõmãn 2.1-3, 14.10-13; Wam Korĩt 4.5*

11E ixkwÿjaja. Kwa kêr ka mẽ anhĩõ kot tanhmã amnhĩ tomnuj to hã omu nê tanhmã ho akapêr punuj to hkêt nê. Tĩrtũm kapêr ã kaga htũm kot ja nê mẽ pahkurê kamã hihtÿx jakamã kot ka mẽ ri ã amnhĩ nhĩpêx anê nê te ate Tĩrtũm kapêr tũm kwÿ omnuj ã harênh pyrãk. Rÿ te axàhpumunh tÿx o ate Tĩrtũm jakrenh ã amnhĩ to jarkrar pyrãk. Jao kapêr kôt amnhĩ nhĩpêx kêt nê. Na htem Tĩrtũm kapêr ã kaga htũm kwÿ mex ã harê nê hkwy omnuj ã harênh kêt nê. Piitã mex kênã.

12Nê Tĩrtũmja tapxipix na kêp mẽ pahto amnhĩptar xwÿnh maati. Nê tapxipix na hte mẽ pahte tanhmã amnhĩ nhĩpêx to hã mẽ pahpumunh hkôt tanhmã mẽ pajarênh to. Mẽ pahte amnhĩ to mex xwÿnh ã mẽ pajarê rÿ mẽ pahte amnhĩ tomnuj xwÿnh ã mẽ pajarê. ãm tapxipix kot ã mẽ pajarênh kot anhÿr xwÿnh. Tã ka mẽ axtem nê kapêr kwÿm ri tanhmã akwÿjê ho akapêr punuj to ho ri apa.

**Mẽ pahte Tĩrtũm mã pajamaxpêr pê kãm amnhĩ jarênh**  
**ã mẽ pamã karõ**  
*Rukre 12.13-21*

13E kwa mẽ inhma ixkwÿjaja. Na ka hte mẽ akwÿjaja tanhmã amnhĩ kukamã ajamaxpêr to nê akwÿjê mã amnhĩ jarênh o:

—Koja apkati pa ma krĩ hõ hwÿr mō nê kamã mẽ kãm ixapênh o ixpa hã ixtã amgrã pyxi nê hpãnhã kàxpore jamÿnh rax nê man akupÿn mō.

Anhÿr o amnhĩ jarẽ. **14**Kwa mẽ ã amnhĩ kukamã amnhĩ jarẽnh anhÿr kêt nẽ. Mẽ pahtõ mẽ pahte amnhĩ kukamã paxàhpumunh mex? Amrakati kênã. Kot ka mẽ ã amnhĩ kukamã amnhĩ jarẽnh anhÿr tã kormã ã amnhĩ nhĩpêx anhÿr kêt ri tanhmã amnhĩ to nẽ ty. Rỳ tanhmã amnhĩ to nẽ axà hãmri nẽ nhÿhÿm amõr kêt nẽ. Te mẽ pahpê namê pyræk na pu htem ri papa nẽ tanhmã amnhĩ to nẽ ty nẽ pajapêx tokyx anẽ. **15**Jakamã mẽ ã amnhĩ kukamã amnhĩ jarẽnh anhÿr kêt nẽ. Kêt amnhĩ jarẽnh o:

—Koja Tĩrtũm kãm ja prãm koja apkati pa ã amnhĩ nhĩpêx anẽ nẽ ã amnhĩ nhĩpêx anẽ.

Anhÿr o Tĩrtũm kamnàr o tanhmã amnhĩ kukamã amnhĩ jarẽnh to. **16**No mẽ ate amnhĩ krã hkõt amnhĩ kukamã amnhĩ jarẽnh ta Tĩrtũm jamaxpêr xà hkõt kêt. ãm amnhĩ krã hkõt mẽ ate amnhĩ kukamã amnhĩ jarẽnh kênã. ã mẽ ate amnhĩ jarẽnh anhÿrja mex kêt.

**17**Nẽ mẽ kot tãm amnhĩ nhĩpêxja kot kaj mẽ ate mar mex tã hkõt amnhĩ nhĩpêx kêt japêr hãmri nẽ amnhĩ tomnuj o apa.

### Mẽ hikàxpore rũnh xwÿnhjê jarẽnh

*Rukre 12.13-21; Wam Ximotre 6.9-10; Apokarip 18.14*

**5** **1**Nẽ kwa mẽ akàxpore rũnh xwÿnhjaja. Mẽ inhma nẽ inhmar tÿx nẽ. Nhÿrmã mẽ amex kêt jakamã kwa mẽ tee ri amnhĩ kukamã ajamxpêr o ra akaprĩ nẽ amÿr o apa kurê kumrêx. **2**Tĩrtũm noo mã mẽ akàxpore te ra mẽ apê hapêx par pyræk. Te ra mẽ anhÿ kamã mẽ ate amnhĩ tomnuj xwÿnh ã kutã akrĩ pyræk. **3**Mẽ ate mẽ akukrêx nẽ mẽ akàxpore ho apikuprõnh rũnh tã ka htem mẽ akwÿjê pê ho anhõxÿ ho ri apa. Mÿrapê koja nhÿrmã tanhmã mẽ apê amnhĩ to nẽ omnu pa ka mẽ ho apikuprõnh rax kaprÿ. Hãmri nẽ mẽ ate amnhĩ tomnuj mÿrapê Tĩrtũm mẽ Kra wa kuri atĩr tũm nẽ apa ho apa hkêt nẽ. ãm kuwy kamã mẽ amnhĩ xà htÿx kamã ajamak rãhã ho ri apa. **4**Na ka htem apur kãm mẽ àpênh xwÿnhjê mã amnhĩrer kêt nẽ. Nhũm mẽ tee ri amnhĩ tã mẽ ajamã hãmri nẽ mẽ atã amnhĩ to Pahi Maati Tĩrtũm xihtÿx xwÿnh ta wÿr o pa nhũm mẽ atã mẽ kuma. **5**Mẽ akĩnhã mẽ kêp amrakati htã ka htem ãm ja hã mẽ omu nẽ mẽ àpênh pãnhã mẽ kãm amnhĩrer kêt nẽ amnhĩ pix kukamã ajamxpêr. Nẽ amã prãm xà hpix kukamã amnhĩm mẽmoj japrõr pê akĩnh o ri apa. Jao te mẽ apê môx htwÿm nhũm mẽ kot hpĩr nẽ hkrêr mã mex ã harênh xwÿnh ta pyræk. Mÿrapê kot kaj mẽ môxta pyrã nẽ nhÿrmã ty hãmri nẽ Tĩrtũm mẽ Kra wa kuri atĩr tũm nẽ apa ho apa hkêt nẽ. **6**Nom ja pix kêt. Na ka htem mẽ anhõ krĩ kamã mẽ anhõ pahi mã tanhmã akwÿjê ho axêx to ho ri apa. Mẽ kot tanhmã atomnuj to hkêt tã ka mẽ kãm mẽ ho axêx rũnh nẽ. Tã koja nhÿrmã Tĩrtũm mẽ hã tanhmã mẽ ato rax kumrêx ka mẽ rĩ amnhĩ pumu.

**Mě pahte Jejus kutêp amnhĩ kaxyw kãm pajamaxpêr o  
papa hã mẽ pamã karõ**

*Sikũn Pêtre 3.1-13*

7E ixkwỳjaja. Koja mēhõ tanhmã mẽ atomnuj to htã ka mẽ arĩ amnhĩ kaxyw Jejus mã ajamaxpêr rãhã ho ri apa. Pê akupÿn hpõx xà hã arĩgro jamãr rãhã nẽ. Te pur nhõ dõn kot amnhĩ nhĩpêx pyrãk. Koja hpur kãm ahkre nẽ ahkre hpa hãmri nẽ arĩ hamãr o pa nẽ kãm nojarêk kêt nẽ hã na wrÿk jamãr o pa. Jao hamakêtkati nẽ ô jamãr rãhã ho pa. 8Tã kêr ka mẽ urãk nẽ arĩ Pahihti akupÿn hpõx xà hã arĩgro jamãr rãhã ho ri apa. Koja tokyx akupÿn mẽ pahwÿr wrÿ. Jakamã kêr ka mẽ kutêp mẽ kot mẽ atomnuj xwÿnhjê kutã amnhĩ to htÿx nẽ ri apa. Nom tee ri amnhĩ kukamã ajamaxpêr o Jejus kaga hkêt nẽ. Arĩ hamãr pê akĩnh nẽ ajamakêtkati nẽ ri apa. Koja akupÿn mẽ pahwÿr wrÿ nẽ mẽ pahto mex rax kumrêx.

9Nẽ kêr ka mẽ axpên to akapêr o ri apa hkêt nẽ. Kot ka mẽ ã amnhĩ nhĩpêx anẽ nhũm Tĩrtũm mẽ ama nẽ tanhmã mẽ ajarênh to. Kot mẽ pahpumunh xà hkõt tanhmã mẽ pajarênh to xwÿnh na. Tã ra tanhmã kot mẽ pahpiitã mẽ pajarênh to xà hã arĩgroja ra ahtêp o mõ.

10E ixkwỳjaja. Kêr ka mẽ wam mẽ kot Tĩrtũm nhÿ hã kapêr jarênh xwÿnhjaja kot amnhĩ nhĩpêx mã ajamaxpêr rãhã nẽ. Na prem Tĩrtũm nhÿ hã mẽ kãm kapêr o ri mẽ hkõt pa nhũm mẽ hkwỳjaja ja hã tanhmã mẽ hipêx to nhũm mẽ amnhĩ xà htÿx kamã hamak rãhã ho pa. Tã tee ri amnhĩ kukamã hamaxpêr pê Tĩrtũm kaga hkêt nẽ. Na prem arĩ ÿ hã kapêr jarênh rãhã ho ri mẽ hkõt pa. Tã kêr ka mẽ kot amnhĩ nhĩpêx pyrãk o amnhĩ nhĩpêx nẽ Tĩrtũm kaga hkêt nẽ. 11Na prem amnhĩ xà htÿx kamã hamak o pa rãhã ty hãmri nẽ Tĩrtũm kuri mex nẽ hkĩnh nẽ pa ho pa. Ra mẽ ate finat Johti jarênh mar mex. Na pre omnuj tÿx nẽ pa htã amnhĩ tã Pahi Maati Tĩrtũm kamã gryk nẽ hkaga hkêt nẽ. Hãmri nhũm amnhĩ tã omu nẽ gaa nẽ ho mex rax nẽ nhũm akupÿm mex kumrêx nẽ pa. Pahi Maatija ukaprĩ ho ukaprĩ nẽ mex o mex jakamã na pre ã Johti ho mex anẽ. Tã koja ho mexta pyrã nẽ ã mẽ pahto mex anẽ.


**Mě pahte tanhmã amnhĩ nhĩpêx to hã mẽ pamã karõ**

*Matêwre 5.33-37, 18.15; Rõmãn 12.15; Karatas 6.1-2; Jutre 22-23*

12E ixkwỳjaja. Pa mẽ amã mẽmoj jarê ka mẽ inhma nẽ inhmar tÿx nẽ. Kêr ka mẽ mẽmoj tã amnhĩ jarênh kaxyw hãmri nẽ akatãt kõt amnhĩ jarênh kurê kumrêx. Nẽ amnhĩ jarênh o: “Nà kot paj ja ho anẽ.” Anẽ. Rÿ amnhĩ jarênh o: “Nà kwarĩ pa ja ho anhÿr kêt nẽ.” Anhÿr o amnhĩ jarênh kurê kumrêx. Kê mẽ akwỳjaja ãm hãmri mẽ ate amnhĩ jarênh ã mẽ apumunh kurê kumrêx nẽ axêx ã mẽ akamnhĩx kêt nẽ. Mẽ apê Tĩrtũm kra kênã kot ka kêt mẽ ri axtem nẽ amnhĩ jarênh o axêx.

13Nẽ koja mẽ anhĩõ mẽmoj tã tanhmã amnhĩ to nẽ omnuj nẽ. Ka mẽ ja

hã omu nê kãm anê kê amnhĩ kaxyw Tĩrtũm mã hamaxpêr pê amnhĩ to hwÿr rãhã ho pa. Rÿ koja hkĩnh nê ri pa ka mẽ ja hã omu nê kãm anê kê hkĩnh kãm mex o mex ã grer o pa. 14Rÿ koja à nê nõ ka mẽ ja hã omu nê kãm anê kê amnhĩ wÿr pastô nhÿ hã mẽ kapêr xwÿnh kwÿjê hã karô. Kê mẽ hwÿr mra nê Jesus nhÿ hã mẽmo twÿm kwÿ ho hkukô nê ho



*Xiakre 5.13-15*

Tĩrtũm wÿ. 15Kê mẽ ã mẽ à xwÿnhjê hwÿr mra nê mẽ ho Tĩrtũm wÿr o pa anê. Koja mẽ ho kuwÿ nhũm mẽ kuma nê akupÿm mẽ ho mex. Nhũm mẽ tanhmã amnhĩ tomnuj to japêr kê mẽ ja hã amnhĩ jarê kê Tĩrtũm mẽ kuma nê ja hã tanhmã mẽ ho hkêt nê. 16Jakamã kêr ka mẽ atô tanhmã amnhĩ tomnuj to nê tee ri ja hã amnhĩ pumu hãmri nê tokyx akwÿjê mã amnhĩ jarê kê mẽ tokyx ato Tĩrtũm wÿ. Kê atã mẽ kuma nê tanhmã akrã hto ka axte ã amnhĩ nhĩpêx anhÿr kêr nê. Nê ra amex nê apa.

Nê koja mẽhõ Tĩrtũm kôt pix mã amnhĩ nhĩpêx mex rãhã ho pa. Hãmri nê mẽmoj tã kuwÿ nhũm kuma nê kãm tanhmã mẽmoj to. 17Te finat Eris kot mẽmoj tã hwÿr nhũm kot mar nê kãm ho anhÿrta pyrãk. Erisja kêp mẽ panhiõ na pre. Tã na pre hkwÿjaja amnhĩ tomnuj pix o pa nhũm tee ri mẽ omu nê mẽ hã na wrÿk kêr kaxyw ho Tĩrtũm wÿr kãm hihtÿx nê. Hãmri nhũm kuma nê kãm ho anê nhũm na wrÿk kêr ry rax kumrêx. Hã amgrã axkrunêpxi nê hkôt mytwrÿ kêp 6. Mẽ kot amnhĩ tomnuj tÿx o paja mÿrapê. 18Tã nhũm Eris axte mẽ ho kuwÿ nhũm axte mẽ hwÿr na rê nhũm akupÿm katat kôt wrÿk mex nê. Nhũm akupÿm mẽ hpur kãm mẽ ôja mẽ kãm mex nê akupÿm mẽ kãm ô rũnh nê. Tã ã Tĩrtũm kot Eris mar nê kãm mẽmoj nhĩpêx anhÿrja pyrã nê koja mẽ pama nê mẽ pamã mẽmoj tanhmã ho.

19Nê e mẽ inhma ixkwÿjaja. Koja mẽhõ Tĩrtũm kapêr mar tÿx nê te kêp hkra pyrãk o amnhĩ nhĩpêx. Tã tanhmã hamaxpêr to nê kapêr kaga nê htÿx ri amnhĩ tomnuj pix o pa. Ka mẽ ja hã omu nê hwÿr mra nê kot amnhĩ tomnuj nê kãm akapêr kãm axihtÿx kê tokyx hkaga nê akupÿm Tĩrtũm kôt amnhĩ xãm tÿx nê ãm hkôt pix mã amnhĩ nhĩpêx. 20Koja amnhĩ tã mẽ ama nê Tĩrtũm kôt amnhĩ xãm tÿx nhũm amnhĩ tã omu nê kot tanhmã amnhĩ tomnuj tota ho hamakêtkati nê amnhĩ katut kôt kurê nhũm nhÿrmã kuri htĩr tũm nê mex nê pa ho pa. Koja amnhĩ tomnuj tÿx o pa htã hkaga hpa nhũm Tĩrtũm ja hã omu nê hã tanhmã ho hkêt nê axte tanhmã kot amnhĩ tomnuj tota mã hamaxpêr kêr nê.

Tã ãm ja pix. Ixpê Xiakre na pa ã mẽ awÿr kagã nhĩpêx nê mẽnh anê.